



Bentiaraq Ottosen

UPA 2026/35-1

Atassut

29. April 2026

**Atuarfik pillugu Inatsisartut Inatsisaata allanngortinneqarnera pillugu Inatsisartut Inatsisaat**

(Ilinniartitaanermut, Kultureqarnermut Timersornermut Ilageeqarnermullu Naalakkersuisoq)

Atassummiit qutsavigerusuppagut Naalakkersuisut siunnersuuteqarnerannut atuarfik pillugu Inatsisartut Inatsisaata allanngortinneqarnissaanut.

Atassummiit ataqqivarput siunertarineqartoq atuartut tunngaviusumik piginnaasaasa nukittorsarneqarnissaat, matumani ingammik eqqarsaatigalugit kalaallisut oqaatsivut aammalu matematikki, aammalu eqqissisimanerusumik itisiliinerusinnaalluni nukissaqarnerullunilu minnerni ilinniartitsisinnaaneq anguniarlugu. Saniatigut aamma Atassummiit pitsaasutut isiginiarsimavarput angajullerni tigussaanagerusumik timi atorlugu periarfisseerusuttoqarnera ilinniartitsinikkut, tamanna kajumissutsikkut nukittortaasinnaavoq aammalu ikaarsaariarnissamut suliffeqarfinnut pitsaasumik sunniuteqarsinnaalluni.

Saniatigut Atassummiit naqissuserumavarput atuartut akornanni assigiinngissuteqarnerup inissaqartinneqarnerata ingerlatiinnarnissaa. Meeqqat assigiinngissuseqarlutik ilikkariaaseqarsinnaasarput aammalu assigiinngitsunik nukittuffeqarlutik, atuakkersornikkut, assassorluni suliaqarnikkut, nutaaliorinnaassuseqarnikkut aammalu timikkut piginnaasatigut. Taamaammat fag-inik annikillilerinerup malitsigissanngilaa, meeqqat ilaasa piginnaasaannik ineriartorfissaarutsissallugit.

Atassut isumaqarpoq pingaaruteqarluinnartoq, atuarfik pillugu nunaamik inatsisiliornermi killilersuiffinnik pilersitsisoqannginnissaa, aammalu meeqqat atuarfiata atuartut assigiinngissusaannik siammasissumillu ineriartornerannik inuiaqatigiinnit pisariaqartinneqartunik ingerlaavartumik tapersersuisariaqartoq.

Taama tunngavilersuuteqarluta Atassummiit siunnersuut taperserlugu Kultureqarnermut, Ilinniartitaanermut Ilisimatusarnermut Ilageeqarnermullu Ataatsimiititaliamut suliarineqarnissaa inassutigaarput.